

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida, ul. Širokac br. 22, Sarajevo, koga zastupa direktor Suad Zijadić, prof. (u daljem tekstu: Ugovorni organ)

i

Društvo za proizvodnju, promet i usluge "BALKAN - KAMEN" d.o.o. Sarajevo, ul. Tvornička do br. 4, Općina Ilidža, koga zastupa direktor Hikmet Letuka (u daljem tekstu: Dobavljač)

Zajednički naziv za Ugovornog organa i Dobavljača je **UGOVORNE STRANE.**

zaključili su u Sarajevu, dana 04.04.2019.godine

UGOVOR o izvođenju radova

I PREDMET UGOVORA

Član 1.

Predmet ovog ugovora je izvođenje radova na izgradnji hajr česme u šehidskom mezarju u Oseniku, općina Hadžići.

Radovi se izvode prema usvojenom predmjeru i predračunu sa jediničnim cijenama koji je sastavni dio ovog Ugovora.

II CIJENA I NAČIN PLAĆANJA

Član 2.

Vrijednost radova iz predmeta ovog ugovora bez PDV-a i popusta iznosi	3.647,19 KM
Popust	145,88 KM
Vrijednost radova iz predmeta ovog ugovora bez PDV-a, sa popustom iznosi	3.501,31 KM
Vrijednost PDV-a	595,22 KM

Ugovorne strane su saglasne da ukupna vrijednost ugovora sa uključenim PDV-om od 17% iznosi

4.096,53 KM

(slovima: četiri hiljadedevedeset šest i 53/100KM)

Član 3.

Ugovorni organ se obavezuje da će isplatiti ugovorenu cijenu nakon izvršenja predmeta ugovora i internog tehničkog prijema, a u zakonskom roku od 15 /petnaest/ dana od datuma prijema ovjerene fakture i okončane situacije ovjerene od strane nadzornog organa u Fond memorijala.

Član 4.

Ugovorni organ zadržava pravo da Dobavljaču naloži izvođenje predmetnih radova fazno i isti radovi će se plaćati na osnovu privremenih situacija čija će se cijena utvrđivati na osnovu jediničnih cijena koje su iskazane i prihvaćene u ponudi Dobavljača koja je prihvaćena kao sastavni element ovog ugovora.

Naknadni radovi koji su neophodni mogu se izvesti na pismeni zahtjev nadzornog organa uz predhodno utvrđenu i od strane Ugovornog organa odobrenu cijenu i pismenu saglasnost.

Konačna vrijednost radova utvrdiće se na bazi zapisnika i ugovorenih jediničnih cijena.

III ROK

Član 5.

Ugovorne strane određuju da Dobavljač mora izvesti ugovorene radove u roku od 40 (četdeset) kalendarskih dana od dana obostranog potpisivanja ugovora.

Član 6.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

Član 7.

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

IV MJESTO IZVOĐENJA RADOVA

Član 8.

Ugovorne strane su saglasne da je mjesto izvođenja radova: Šehidsko mezarje u Oseniku, Općina Hadžići- Sarajevo.

V OBAVEZE DOBAVLJAČA

Član 9.

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke na radovima koji nisu nastali krivicom Ugovornog organa;
3. da na zahtjev nadzornog organa Ugovornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebjenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata;
6. da održava izvedene radove do pripreme predaje istih.

VI NADZORNI ORGAN

Član 10.

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: *Tehnička komisija Fonda memorijala.*

Član 11.

Dobavljač je obavezan da za svo vrijeme izvođenja radova uredno vodi građevinski dnevnik i građevinsku knjigu investicionih objekata.

Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

Član 12.

Ugovorni organ je dužan, po pismenoj obavijesti Dobavljača da je radove završio, zakazati tehnički prijem u roku od 10 /deset/ dana, ako se nadzorni organ Ugovornog organa uvjeri da su stvoreni uslovi za tehnički prijem.

VII OSTALE ODREDBE

Član 13.

Dobavljač radova odgovara za solidnost i kvalitet izvedenih radova za vrijeme od 2 (dvije) godine, računajući od dana primopredaje radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

Ukoliko se Dobavljač ne odazove na poziv Ugovornog organa za otklanjanje nedostataka, Ugovorni organ ima pravo angažovati drugog dobavljača o trošku Dobavljača iz ovog ugovora.

Član 14.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima i Posebni Uzansi o građenju.

Član 15.

U slučaju spora po ovom ugovoru stvarno i mjesno nadležan je sud u Sarajevu.

Član 16.

Ugovorne strane prihvaćaju prava i obveze što proizlaze iz ovog Ugovora stavljanjem vlastoručnih potpisa.

Član 17.


Ugovor stupa na snagu danom obostranog potpisivanja i ovjeravanja ugovora od strane ovlaštenih zastupnika ugovorenih strana.

Član 18.

Ugovor je sačinjen u 4 /četiri/ istovjetna primjerka, od kojih Dobavljaču pripadaju 2 /dva/ primjerka, Ugovornom organu 1 /jedan/ primjerak, a 1 /jedan/ primjerak Nadzornom organu.

ZA UGOVORNI ORGAN
DIREKTOR


Suad [redacted] prof.



Broj: 13-14-02-145/19
Sarajevo, 04.04.2019. godine


ZA DOBAVLJAČA
DIREKTOR

Hikmet [redacted] KAMEN




Broj: 05-04/19
Sarajevo, 05.04.2019

**PREDMJER RADOVA IZGRADNJU SPOMEN OBILJEŽJA - HAJR ČESME ŠEHIDIMA
POGINULIM BORCIMA MZ OSENIK**



Red. br.	Opis stavke	Jedinična mjera	Količina	Jedinična cijena	Ukupno
	ZEMLJANI RADOVI				
1	Mašinski iskop, zemlje III kat. za temelj spomen/hajr česme i za betonsku podlogu popločanja. Dubina iskopa za temelj česme je promjenjiva, 0,40-0,55 m. Obratiti pažnju na teren koji je u padu te po potrebi dubinu temelja prilagoditi stanju na terenu. Dimenzije iskopa za popločanje su 2,1 x 2,6 m, dok je dubina iskupa promjenjiva (0,36 - 0,08) obzirom da je teren u padu. Dubinu iskopa prilagoditi stanju na terenu kako bi nivo gotovog popločanja bio u ravni sa postojećom stazom. Zemlja se deponuje u krugu gradilišta i koristi kasnije formiranje šakrpe. 0,46 + 0,98 = 1,44 Obračun po m ³	m ³	1,44	80,00	116,20
	Ukupno zemljani radovi				116,20
	BETONSKI RADOVI				
2	Nabavka materijala, izrada i ugradnja betona MB-30 u temelj česme. Armirano konstruktivno sa mrežama Q-188. Armaturu uračunati u cijenu. Dimenzije temelja 0,6x0,4x1,4 m Obračun po m ³	m ³	0,33	342,00	112,86
3	Nabavka materijala, izrada i betoniranje podloge popločanja ispred hajr česme betonom MB 30. Debljina betonske podloge je 10 cm, armirana armaturnom mrežom Q188. U cijenu uračunati i razastiranje sloja šljunka od 8 cm. Obračun po m ³	m ³	0,54	342,00	184,68
	Ukupno betonski radovi				297,54
	KAMENOREZAČKI RADOVI				
4	Izrada popločanja na prostoru spomen/hajr česme kamenim pločama "Hreša C" III ekvivalent. Dimenzije ploča su širina 20 cm, slobodne dužine. Debljina ploča je 5 cm. Ploče se postavljaju utapanjem u cementni malter na prethodno izvedenoj podlozi				

	<p>od betona. Gornja površina je obrađena štokanjem. Polaganje se vrši slobodnim vezom sa zaljevanjem fuga cementnim malterom. U cijenu uračunati prethodno postavljajne cementnog maltera na debljine 3 cm na pripremljenu betonsku podlogu. Obračun po m²</p>	m ²	4,47	185,00	826,95
5	<p>Nabavka materijala i izrada česme od kamena "Hreša" ili ekvivalent i detalja od kamena "Hreša" ili ekvivalent, sa ugrađenom kamenom rešetkom za odvodnju. Tijelo česme izrađuje se od armiranog betona MB 30. Dimenzije ab. tijela česme su visina 1,40, dužina 1,20 i širina 0,30 m. Obratiti pažnju da se prilikom izrade tijela česme i montaže obloge ostavi prostor za cijev za vodu kao i mogućnost priključka na dovod vode iz gasulhane. Isto tako izvršiti ugradnju slivnika i ostaviti prostor za ugradnju odvodnje na lijevu stranu, prema livadi. Sa strane planirati postavljanje ventila za ispuštanje vode. Tijelo česme se sa tri strane oblaže kamenim pločama, od kamena "Hreša" ili ekvivalent debljine 5 cm. Strana prema gasulhani ne oblaže se kamenom. Prilikom betoniranja sa to strane postaviti izgubljenu oplatu. Poklopna ploča izrađuje se od istog kamena debljine 8 cm sa zarubjenim ivicama. Dimenzije poklopne ploče su 1,4 x 0,4 m. Prepust preko ivica tijela česme iznosi 5 cm. Na donjoj strani poklopne ploče ostaviti utor za okapnicu. Česmu u svemu raditi prema datim nacrtima. U cijenu uračunati sav potrebni spojni materijal, kao i slavinu sa vremenski ograničenim isticanjem vode. Obračun po komadu</p>	kom	1	1.570,00	1.570,00
6	<p>Nabavka, transport i ugradnja kamenih ivičnjaka od kamena "hreša" ili ekvivalent sa dvije strane popločanja. Dimenzije ivičnjaka su 10 x 10 slobodne dužine. Ivičnjaci se postavljaju u cementni malter, i fuge se zaljevaju cementnim malterom. Obračun po m'</p>	m'	4,5	35,00	157,50



7	Nabavka materijala, izrada i isporuka kamene klupe. Klupa se izrađuje od kamena "Carrara C" ili ekvivalent. Sastoji se od bočnih dijelova, izrađenih od masiva kamena, dimenzija 37x42x15 cm. Površina za sjedenje sastoji se od tri grediće od masiva kamena "Carrara C" ili ekvivalent. Dimenzije jedne su 10 x10 x 167 cm, sa zarubljenim vrhovima na gornjoj strani. Klupa se putem ankera ankeriše u podlogu. Klupu po svemu izraditi prema nacrtima datim u prilogu. Obračun po komadu.	kom	2	340,00	680,00
Ukupno kamenorezački raovi				3.234,45	

Napomena: Svi potrebni radovi za dovod vode do mjesta hajr česme kao i odvodnja vode dužnost su mještana i nisu predmet ovog predmjera

*SVE DIMENZIJE PROVJERITI NA LICU MJESTA ; NATPIS NA HAJR ČESMI USAGLASITI SA NADZOROM

REKAPITULACIJA				
UKUPNO BEZ PDV-a				3.647,19
POPUST				145,88
UKUPNO SA POPUSTOM				3.501,31
PDV od 17%				595,22
UKUPNO SA PDV-om				4.096,53

